



Broj: 02-11-7815-2/21
Datum: 06.05.2021. godine

„BOOK“ d.o.o. Tuzla
Fočanska do br. 1-A, 75 000 Tuzla
Putem advokata Jasmina Avdić, Kalesija

Na osnovu člana 100. stav 1) i 3) Zakona o javnim nabavkama BiH (Službeni glasnik BiH broj: 39/14), a postupajući po žalbi zaprimljenoj dana 04.05.2021. godine, izjavljenoj od strane advokata Jasmine Avdić, Kalesija, koja zastupa ponuđača „Book“ d.o.o. Tuzla, izjavljenu na tendersku dokumentaciju za nabavku: „Nabavka i sukcesivna isporuka kancelarijskog materijala, tonera, ribona i ketridža za potrebe Grada Zenica LOT 1“, broj Obavještenja o javnoj nabavci: 1355-1-1-108-3-55/21 od 29.04.2021. godine, Gradonačelnik Grada Zenica donosi:

RJEŠENJE **o usvajanju Žalbe**

Usvaja se u cjelosti Žalba zaprimljena 04.05.2021. godine, izjavljena od strane advokata Jasmine Avdić, Kalesija, koja zastupa ponuđača „Book“ d.o.o. Tuzla, izjavljena na tendersku dokumentaciju za nabavku: „Nabavka i sukcesivna isporuka kancelarijskog materijala, tonera, ribona i ketridža za potrebe Grada Zenica LOT 1 - Nabavka kancelarijskog materijala i sitnog inventara“, broj Obavještenja o javnoj nabavci: 1355-1-1-108-3-55/21 od 29.04.2021. godine.

Ovo Rješenje je osnov za preduzimanje radnje propisane članom 100. stav 3) ZJN, odnosno izmjene tenderske dokumentacije broj: 05-11-7815-8/21, april 2021. godina.

Ugovorni organ će o izmjenama tenderske dokumentacije obavijestiti sve učesnike u postupku javne nabavke putem portala javnih nabavki www.ejn.gov.ba, te objaviti ovo Rješenje na stranici Grada Zenica.

Rješenje stupa na snagu danom donošenja.

Obrazloženje

Postupak javne nabavke „Nabavka i sukcesivna isporuka kancelarijskog materijala, tonera, ribona i ketridža za potrebe Grada Zenica LOT 1“, pokrenut je Odlukom o pokretanju otvorenog postupka, broj: 02-11-7815/21 od 27.04.2021. godine.

Procijenjena vrijednost za javnu nabavku 59.000,00 KM bez PDV-a, pri čemu procijenjena vrijednost za LOT 1 - Nabavka kancelarijskog materijala i sitnog inventara iznosi 47.000,00 KM bez PDV-a. Obavještenje o nabavci broj: 1355-1-1-108-3-55/21 objavljeno je na portalu javnih nabavki dana 29.04.2021. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Žalba izjavljena na tendersku dokumentaciju za nabavku: „Nabavka i sukcesivna isporuka kancelarijskog materijala, tonera, ribona i ketridža za potrebe Grada Zenica LOT 1“ je zaprimljena kod Ugovornog organa dana 04.05.2021. godine, izjavljena putem advokata Jasmine Avdić, Kalesija koja zastupa ponuđača „Book“ d.o.o. Tuzla.

Ugovorni organ konstatuje da je žalba blagovremena, dopuštena i izjavljena od strane ovlaštenog lica.

U Žalbi se navodi da tenderska dokumentacija nije sastavljena u skladu sa Zakonom o javnim nabavkama BiH sa sljedećim navodom: „Ugovorni organ u Obrascu za cijenu ponude za LOT 1, je u opisu stavke 48. naveo „Digitron stoni – crna boja, extra veliki LCD display, funkcija automatskog gašenja, broj cifara 12, dvije nezavisne memorije, dva napajanja – solarno i baterije, težina 187g, dimenzije: 192x143x37mm, tj. tačno su navedene dimenzije i težina što upućuje na tačno određenog proizvođača, kao i u opisu stavke 113. „Miš za računar USB priključak, 3 dugmeta 1000 dpi, optički senzor, dimenzije 105x37x60mm, dužina kabla 1,5 težina 86g, ostalo: windows 7,8,10“ tj. tačno su navedene dimenzije i težina što indirektno upućuje na tačno određenog proizvođača, bez navođenja parametara min. i max. dimenzija, kao i opisu stavke 127. „Olovka hemijska – debljina vrha 0,22mm kućište hemijske transparentno, debljina kuglice 0,70mm, širina traga 0,27mm, tinta na bazi ulja, plastična klipsa i vrh, spremnik mutno proziran saplavim, crvenim i crnim uloškom RFJS-GP-F“ pozivajući se konkretno na model proizvođača u ovom slučaju Pilot, što je u suprotnosti sa članom 54. stav 9. i 10. ZJN. Naime, ugovorni organ je u opisu stavke 48. i 113. naveo dimenzije i težinu artikla koji upućuju na striktno jednog proizvođača, dok je u stavci 127. striktno napisao opis koji upućuje na jednog proizvođača ne navodeći dodatak „ili ekvivalent“ kako je to određeno ZJN.“

Ugovorni organ je razmotrio žalbu, te smatra žalbeni navod osnovanim.

Postupajući u skladu sa članom 100. stav 3) Zakona o javnim nabavkama BiH, Ugovorni organ donosi Rješenje o usvajanju žalbe i istovremeno preduzima činjenje na način da vrši izmjenu tenderske dokumentacije – Aneks 4, te mijenja tačke 48.,113.,127., koje sada glase:

Tačka 48. – Naziv materijala: *Digitron stoni – funkcija automatskog gašenja, broj cifara 12, solarno napajanje*; Jedinica mjere: *kom*; Količina: *15*.

Tačka 113. – Naziv materijala: *Miš za računar – USB priključak*; Jedinica mjere: *kom*; Količina: *80*.

Tačka 127. – Naziv materijala: *Olovka hemijska za višekratnu upotrebu*; Jedinica mjere: *kom*; Količina: *2.000*.

Pouka o pravnom lijeku: Protiv ovog Rješenja se može izjaviti žalba Uredu za razmatranje žalbi putem Ugovornog organa u roku od 5 (pet) dana od dana prijema Rješenja.

DOSTAVLJENO:

1x Ponuđači

1x tenderska dokumentacija

1x a/a

